

JARDUERA



Ikastetxearen Hizkuntza Proiektuaren ebaluazioa

14

HELBURUAK

- Hizkuntza Proiektuaren Plan Estrategikoaren amaierako ebaluazioa egitea eta ikasleen hizkuntza-komunikaziorako gaitasunaren emaitzen joera baloratzea.
- Hizkuntza Proiektuaren jarraipenerako proposamen berriak jasotzea.

prozedura

Hizkuntza Proiektuaren batzordeak azken lau ikasturteetan egindako ebaluazioetan jasotako datuak laburbildu eta ebaluatuko ditu. Bi motako datuak jasoko ditu:

- Azken lau ikasturteetan urte bakoitzerako aukeratu diren Plan Estrategikoaren helburuen urtez urteko ebaluazioa.
- Azken lau ikasturteetako ikasleen hizkuntza-komunikaziorako garapenaren ebaluazioetako, barne zein kanpokoetako, emaitzen joera. Datu hauek ikastetxe bakoitzeko zuzendaritza-taldeak izango ditu.

Datu hauekin Hizkuntza Proiektuaren batzordeak Hizkuntza Proiektuaren ebaluazioa egingo du. Horretarako, *Hizkuntza Proiektuaren ebaluaziorako taula* proposatzen da. Taulak atal hauek ditu:

- **1. atala**, Plan Estrategikoaren amaierako ebaluazioa:
 - *Lehen zutabea, Hizkuntza Proiektuaren helburu orokorren zerrenda egingo da.*
 - *Bigarrenean, lau ikasturteetan egindako ebaluazioak laburbilduko dira. Helburu orokor bakoitzarekin lotuta dauden helburu espezifikoak egin zaizkien ebaluazioen batez bestekoa edo laburbilduma egingo da.*
 - *Hirugarrenean, amaierako ebaluazioa egingo da: lortutakoari buruz egiten den balorazioa, egin den planaren eraginkortasuna eta etorkizunerako iradokizunak.*
- **2. atala**, ikasleen hizkuntza-komunikazio gaitasunaren garapenaren balorazioa:
 - *Joera eta balorazioa.*
- **3. atala**, Hizkuntza Proiektuaren jarraipenerako proposamenak:
 - *Ikasleen eta ikastetxearen hizkuntza-egoera.*
 - *Hizkuntzen ikas-irakaskuntzak.*

Hezkuntza-komunitatearen balorazioa ere kontuan izango da. Horretarako, sektore guztietako ordezkariak taularen 1. eta 3. atalak bete ditzakete, ikastetxearen Hizkuntza Proiektuaren garapenari buruzko balorazioa eta hobetzeko proposamenak eginez.

emaitza ekoizpena		denbora denboralizazioa	
Hizkuntza Proiektuaren ebaluazioa eta hau eguneratzeko proposamenak.		Hiru aste.	
tresnak		ereduak adibideak	
14.1.tresna. Ikastetxearen Hizkuntza Proiektuaren ebaluaziorako taula 101. or.		14.1. adibidea. Ikastetxearen Hizkuntza Proiektuaren ebaluazioa 139. or.	